

Riikksuávtõs priimi asetõõzz sää'm äimmõs-suávtõõzzâst

Ođđ äimmõslää'jj nuájja vuáđđeemnalla áárrai sää'm äimmõs-suávtõs alttad keáđđa toi'mmjummses. Sää'm äimmõs-suávtõõzz mie'rren lij pu'htted sää'mmlai teáttvuáđ da kíõččâmkuu'lmid vue'ssen äimmõspolitiikk valmštõõllmõõžžâst.

Riikksuávtõs priimi tá'bbe 9. peei'v pá'sslâšttam-mannust asetõõzz sää'm äimmõs-suávtõõzzâst. Sää'm äimmõs-suávtõs lij čõõnte'mes ä'sštobddiorgan. Tõn mie'rren lij pu'htted sää'mmlai teáttvuáđ da kíõččâmkuu'lmid vue'ssen äimmõspolitiikk valmštõõllmõõžžâst.

"Äimmõõzz puõ'll'jõõvmmõš vaaiikat jeä'rben sää'm kulttuu're da ä'rbbvuõđlaž jie'llemvuõ'jjid, kookk vuáđđá'vve aarktlaž luõttu. Tõn diõtt vie'l'tem lij, što sää'm alggmeer teáttmõõžž vuei'tet vä'ldded ravvsânji mie'ldd äimmõspolitiikk kuõskki tu'mmstõktuõjju. Sää'm äimmõs-suávtõõzzâst lie vuei'ttemvuõđ toi'mmjed še meeraikõskksaž õõudâst joo'ttjen ja teä'ttven alggmeer vuõiggâdvuõđid lokku va'lddi äimmõspoliti'kkê", ceálkk pirrõs- da äimmõsminister **Maria Ohisalo**.

Äimmõs-suávtõs puu'tat teáttvuáđ sää'mkulttuur da sää'mmlai vuõiggâdvuõđi kíõččâmkuu'limest

Áá'n primmum asetõõzzin tá'rksmâá'ttet äimmõslää'jj šiõtlmid sää'm äimmõs-suávtõõzzâst. Sää'm äimmõs-suávtõõzzâst lie saaggjáá'dteei, väärrsaaggjáá'dteei di jäänmõsân láái jee'res vuázzi'žžed. Oo'ccmõsân peä'l vuázziain á'lğge lee'd sää'm ä'rbbvuõđlaž teáđ vaaldseei. Jeärraz äimmõs-suávtõõzz vuázzi ee'ttká'stte pirrõstiõttjid le'be jee'res kõskksaž tiõđsuõ'rjid.

Äimmõs-suávtõõzz tuájjan lij jeä'rab mie'ldd puu'tted teáttvuáđ sää'mkulttuur da sää'mmlai vuõiggâdvuõđi kíõččâmkuu'limest meersaž äimmõspolitiikk vaiktõõzzi ärvvtõõllâm da seu'rrjem vääras.

Sää'mkulttuur čuu't čuâžžjeei äimmõsmuttâz vue'lnn

Äimmõs pakkan aarktlaž vuu'din jiânnai já'ttlubun ko jee'resa'rnn maai'limest. Sää'mkulttuur lij čuu't čuâžžjeei äimmõõzz pakknem vue'lnn, tõn diõtt ko ä'rbbvuõđlaž sää'mkulttuur lij čõnnsest aarktlaž luõttu.

Sää'm äimmõs-suávtõs lij maai'lmveididsânji samai jiijjâsnallšem meersaž organ, kää'tt vâldd lokku alggmeerai vuõiggâdvuõđid.

Äimmõs-suávtõõzz šiõttummuž valmštõõllât 2023 ääi'j.

Lââ'ssteáđ:

Karin Cederlöf
halltõspiisar
pirrõsministeria
t. 295 250 010
karin.cederlof@gov.fi

Ministee'r mainstâ'ttemraukkmõõžž:

Heikki Isotalo

pirrõs- da äimmõsministee'r- spesiaalvie'kkteei
p. 40 861 7 204
heikki.isotalo@gov.fi